

**Naaja H. Nathanielsen  
Attaviitsoq / Løsgænger**

20. april 2016

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

**1)**

**Nunatsinni suliffeqarfinnit aalajangersimasunit suliffeqarfíillu ataatsimut  
isigalugit sulinngitsoortarneq pillugu paasissutissanik atorsinnaasunik peqarpa?**

**2)**

**Akissut naamiuppat: Kisitsisinik pissarsiniartoqarnissaa pilersaarutigineqarpa?**

(Naaja H. Nathanielsen, attaviitsoq)

### **Tunngavilersuut**

Suli siuariartornissarput, aningaasat amerlanerusut, suliffiit amerlanerusut eqqartortuarpagut – taamaattumik sulinngitsoortarnermik ajornartorsiuteqarnerup eqqartornissaa aamma pisariaqarpoq. Suliffinni aalajangersimasuni tamanna ajornartorsiutaava, soorlu assersuutigalugu tunisassiorfinni sulisunut ilinniartitsisunullu tunngatillugu? Imaluunniit ajornartorsiut inuiaqatigiinni nalinginnaasumik ajornartorsiutigineqarpa? Ajornartorsiut aaqqissagutsigu, apeqqutip tamatuma qanoq akineqarnissaa paasisariaqarparput.

Akunnerup naanerani Nunatsinni Aningaasaqarnermut Siunnersuisoqatigiit soqutinartumik isumasioqatigiissitsivoq. Tassani inuiaqatigiinni naammassineqartartut sullerissuserlu eqqaaneqarput. Siuariartussagutta pineqartut taakkoqqissaat marluk pingaaruteqarput. Oqallinnermi peqataasut ilaata sulinngitsoortarneq pillugu apeqqummik attuumassuteqartumik aperivoq.

Nalunngilarput, sulinngitsoortarneq Nunatsinni suliffippassuarni ajornartorsiuterpassuarnik pilersitsisartoq. Sulinngitsoortarneq toqqaannartumik nalilinnik annaasaqaataasarpoq, soorlu assersuutigalugu aalisakkerivinnit aalisakkat igiinnarneqaraangata. Sulinngitsoortarneq suliartorsimasunut suliassaqarnerulersitsisarpoq. Sulinngitsoortarneq allaffissornikkut suliassaqarnerulernermik kinguneqartarpoq. Ajornartorsiut aaqqinnejqassappat qulaajarneruneqartariaqarpoq. Peqanngittarnerup nappaammik peqquuteqavinnera ilisimassallugu pingaaruteqarpoq, aammalu nappaat taanna timikkut tarnikkulluunniit nappaataanersoq. Sulinngitsoorneq "pjækkernermik" peqquuteqarnera aamma paasissallugu pingaaruteqarpoq, soorlu assersuutigalugu aalakoorneq imaluunniit eqiasunneq peqquutanersoq.

Allanik tikkuartuiniarneq siunertaangilaq, kisianni kikkut tamarmik attuumassuteqartut ilorrisimaarnissaannik unitsisisup qulaarnissaa siunertarineqarpoq

Ullut qulit suliffiusut ingerlaneranni akineqareernissara kissaatigaara.